



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU STRANKE ZA BOSNU I HERCEGOVINU

## S A D R Ž A J

|   |    |
|---|----|
| MIŠLJENJE REVIZORA .....                                  | 3  |
| 1. UVOD .....   | 4  |
| 2. PREDSTAVLJANJE POLITIČKE STRANKE .....                 | 4  |
| 3. OPIS PREGLEDA I KONTROLE FINANSIJSKOG IZVJEŠTAJA ..... | 5  |
| Predmet pregleda i kontrole .....                         | 5  |
| Cilj pregleda i kontrole.....                             | 5  |
| Obim pregleda i kontrole .....                            | 5  |
| 4. PRETHODNE KONTROLE I REVIZIJE.....                     | 5  |
| 5. NALAZI I PREPORUKE.....                                | 5  |
| 5.1.NALAZI.....   | 5  |
| 5.2. PREPORUKE .....                                      | 11 |

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za Bosnu i Hercegovinu za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2017. godinu, utvrđeno je da je Stranka za Bosnu i Hercegovinu prekršila odredbe člana 4. stav (1), člana 5. stav (4), člana 6. stav (2), člana 8. stav (1), člana 11. stav (1) i člana 12. stav (1), (4) i (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke za Bosnu i Hercegovinu za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka za Bosnu i Hercegovinu se finansirala iz sljedećih izvora:

| R/B       | Izvori finansiranja  | Iznos (KM)        | Struktura (%) |
|-----------|--|-------------------|---------------|
| 1.        | Članarina  | 13.278,65         | 2,93          |
| 2.        | Prilozi fizičkih lica ( 3-a )                                      | 14.023,19         | 3,09          |
| 3.        | Prilozi pravnih lica ( 3-b )                                       | 0,00              | 0,00          |
| 4.        | Prihodi od imovine ( 3-c )   | 1,51              | 0,00          |
| 5.        | Prihodi od dobiti preduzeća u vlasništvu političke stranke ( 3-d ) | 0,00              | 0,00          |
| 6.        | Prihodi od poklona ( 3-e )   | 0,00              | 0,00          |
| 7.        | Prihodi iz budžeta ( 3-f )   | 426.122,36        | 93,98         |
| 8.        | Prihodi od propagande ( 3-g )                                      | 0,00              |               |
| <b>I</b>  | <b>Ukupni prihodi (1-8)</b>  | <b>453.425,71</b> | <b>100,00</b> |
| <b>II</b> | <b>Ostali prihodi i drugo</b>                                      | <b>0,00</b>       | <b>0,00</b>   |
|           | <b>Izvori finansiranja (I+II)</b>                                  | <b>453.425,71</b> | <b>100,00</b> |

U godišnjem finansijskom izvještaju za 2017. godinu Stranka za Bosnu i Hercegovinu iskazala je rashode u iznosu od 495.694,34 KM.

## 2. PREDSTAVLJANJE POLITIČKE STRANKE

Naziv političke stranke: Stranka za Bosnu i Hercegovinu. Skraćeni naziv stranke: SBiH.

Stranka za Bosnu i Hercegovinu je registrovana kod Višeg suda u Sarajevu, Rješenjem broj: R-I-2/96 od 25.04.1996. godine.

Sjedište političke stranke je u Sarajevu, Trg Fra Grge Martića 2/II.

Lice ovlašteno za zastupanje stranke je Amer Jerlagić, predsjednik.

Lice ovlašteno za podnošenje finansijskih izvještaja za 2017. godinu je Salem Halilović.

Prema podacima iz godišnjeg finansijskog izvještaja za 2017. godinu, Stranka za Bosnu i Hercegovinu ima sljedeću organizacionu strukturu:

- Centrala stranke u Sarajevu,
- 8 kantonalnih vijeća,
- Gradski odbor političke stranke Mostar,
- 67 općinski savjet/odbor,
- Klub poslanika SBiH FBiH,
- Klub poslanika SBiH BiH i
- Fondacija SBiH.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke za Bosnu i Hercegovinu za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Stranke za Bosnu i Hercegovinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Revizija i pregled finansijskih izvještaja Stranke za Bosnu i Hercegovinu vršeni su u periodu od 2005. do 2016. godine, nakon kojih su izdati izvještaji o reviziji, odnosno izvještaji o pregledu sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2016. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da vodi evidencije o primljenim priložima i izdaje potvrde o prijemu priloga, da u skladu sa članom 6. stav (2) Zakona, dobrovoljne priloge u novcu uplaćuje na transakcijski račun centrale političke stranke, da se ne finansira iz zabranjenih priloga, da poslovne knjige vodi u skladu sa računovodstvenim propisima, odnosno da vodi potpune evidencije o novčanim tokovima, prihodima, rashodima i obavezama stranke i da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Stranka za Bosnu i Hercegovinu nije ispoštovala ranije date preporuke.

### **5. NALAZI I PREPORUKE**

#### **5.1. NALAZI**

#### **a) Stranka za Bosnu i Hercegovinu je prekršila odredbe člana 4. stav (1)<sup>1</sup> Zakona o finansiranju političkih stranaka.**

Stranka za Bosnu i Hercegovinu, nije dostavila Plan utroška sredstava za nivo stranke za 2017. godinu, nego samo za Centralu stranke, što ukazuje na činjenicu da su njeni niži organizacioni dijelovi finansijska sredstva trošili bez donešenog Plana utroška sredstava.

Uvidom u Plan utroška sredstava za 2017. godinu koji je dostavila Stranka za Bosnu i Hercegovinu za nivo Centrale, utvrđeno je da je stranka planirala rashode u ukupnom iznosu od 119.300,00

---

<sup>1</sup> Finansijska sredstva iz člana 3. stav (1) Zakona o finansiranju političkih stranaka može koristiti isključivo za ostvarivanje ciljeva utvrđenih svojim programom i statutom.

KM, dok je u finansijskom izvještaju za nivo Centrale stranka iskazala režijsko-administrativne i ostale troškove u iznosu od 190.538,38 KM, što je za 71.238,38 KM više od planiranog iznosa. Stranka je ukupne troškove na nivou stranke iskazala u godišnjem finansijskom izvještaju u iznosu od 495.694,34 KM, iako je planirala troškove samo za Centralu političke stranke u iznosu od 119.300,00 KM.

S obzirom da Stranka za Bosnu i Hercegovinu nije finansijska sredstva Centrale utrošila u skladu sa Planom utroška sredstava, te da su njeni niži organizacioni dijelovi utrošak sredstva u iznosu od 305.155,96 KM ostvarili bez utvrđenog Plana utroška sredstava, prekršila je odredbe člana 4. stav (1) Zakona o finansiranju političkih stranka.

**b) Stranka za Bosnu i Hercegovinu je prekršila odredbe člana 5. stav (4)<sup>2</sup> i člana 6. stav (2)<sup>3</sup> Zakona o finansiranju političkih stranaka.**

(1) Pregledom godišnjeg finansijskog izvještaja je utvrđeno da stranka u poslovnim knjigama i godišnjem finansijskom izvještaju nije prijavila nenovčane donacije, koje su ostvarili njeni niži organizacioni dijelovi korištenjem poslovnih prostora bez naknade, čime je prekršila odredbe člana 5. stav (4) Zakona o finansiranju političkih stranaka.

- Općinski savjet SBiH Gradačac je na osnovu ugovora broj: 08/2-31-3031/13 od 24.10.2013. godine koristio poslovne prostorije u zgradi Crvene škole u Općini Gradačac, površine 40,00 m<sup>2</sup> u 2017. godini bez naknade<sup>4</sup>.

- Uvidom u akt Općine Srebrenica broj: 01-014-269/18 od 11.04.2018. godine, utvrđeno je da je Općinski odbor SBiH Srebrenica, koristio prostor u vlasništvu Općine Srebrenica u 2017. godini, površine 15,51 m<sup>2</sup> bez naknade.

- Na osnovu akta Općine Jablanica, broj: 01-25-4-790/18 od 28.03.2018. godine utvrđeno je da je Općinski odbor SBiH Jablanica koristio je prostor Općine Jablanica, površine 21,15 m<sup>2</sup> bez naknade<sup>5</sup>.

- Na osnovu akta Općine Ključ, broj: 05-02-940/18 od 29.03.2018. godine utvrđeno je da je Općinski odbor SBiH Ključ koristio je prostor Udruženja žena „Ključki biseri” Ključ površine 52,15 m<sup>2</sup> bez naknade.

Stranka za Bosnu i Hercegovinu je korištenjem poslovnih prostora u vlasništvu općina i udruženja, bez plaćanja zakupnine, primila nenovčane donacije, koje je u skladu sa Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2017. godinu.

(2) Uvidom u dodatnu dokumentaciju koju je Stranka za Bosnu i Hercegovinu dostavila na zahtjev Centralne izborne komisije BiH, utvrđeno je da stranka nije izdala potvrde fizičkim licima od kojih je primila donacije u ukupnom iznosu od 5.739,75 KM, čime je prekršila odredbe člana 5. stav (4) Zakona o finansiranju političkih stranaka i odredbe člana 6. stav (1) Pravilnika o godišnjim finansijskim izvještajima političkih stranaka.

Stranka za Bosnu i Hercegovinu nije izdala potvrde fizičkim licima koja su dala priloge: Kerla Suad u iznosu od 4.026,00 KM, Muhamed Ražanica u iznosu od 1.100,00 KM i za nenovčane donacije u vidu plaćanja računa za stranku za sljedeća dva fizička lica lica: Muhamed Ćurić u iznosu 308,40 KM i Miralem Mulalić u iznosu od 305,35 KM.

<sup>2</sup> Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

<sup>3</sup> Dobrovoljni prilozu u novcu uplaćuju se na transakcijski račun centrale političke partije.

<sup>4</sup> Akt Općine Gradačac, broj: 08/2-31-865/18 od 28.03.2018. godine.

<sup>5</sup> Odluka o dodjeli poslovnih prostorija bez naknade, broj: 02-02-535-3/13-VI od 28.03.2013. godine.

Kontrolom prometa izvoda sa transakcijskog računa centrale stranke, utvrđeno je da prilozi fizičkih lica od nižih organizacionih dijelova stranke u iznosu od 6.506,00 KM nisu uplaćeni na račun Centrale stranke, što je suprotno odredbi člana 6. stav (2) Zakona o finansiranju političkih stranaka.

**c) Stranka za Bosnu i Hercegovinu je, suprotno odredbi člana 8. stav (1) tačka g) Zakona o finansiranju političkih stranaka<sup>6</sup>, ostvarila zabranjenu donaciju od udruženja građana koje je finansirano javnim sredstvima.**

Stranka za Bosnu i Hercegovinu je tokom 2017. godine besplatno koristila prostorije Udruženja žena „Ključki biseri“ Ključ, čime su prekršene odredbe člana 8. stav (1) tačka g) Zakona o finansiranju političkih stranaka.

Na osnovu prikupljene dokumentacije, utvrđeno je da je Općinski odbor SBiH Ključ koristio prostor Udruženja žena „Ključki biseri“ Ključ bez naknade, te da se ovo udruženje finansiralo javnim sredstvima u iznosu od 5.970,00 KM<sup>7</sup>.

**d) Stranka za Bosnu i Hercegovinu je prekršila odredbe člana 11. stav (1)<sup>8</sup> i člana 12. stav (1)<sup>9</sup>, (4)<sup>10</sup> i (5)<sup>11</sup> Zakona o finansiranju političkih stranaka.**

Pregledom godišnjeg finansijskog izvještaja, utvrđeno je da Stranka za Bosnu i Hercegovinu, nije u skladu sa računovodstvenim propisima i odredbama Zakona o finansiranju političkih stranaka vodila poslovne knjige, nije uspostavila, potpune i tačne evidencije o prometu novčanih sredstava putem transakcijskih računa, nije iskazala sve transakcijske račune, nije uspostavila potpune evidencije o prihodima, rashodima i obavezama stranke, nije dostavila svu traženu dodatnu dokumentaciju i nije obrasce godišnjeg finansijskog izvještaja za 2017. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.

(1) U finansijskom izvještaju na obrascu 2 (pregled prometa svih transakcijskih računa političke stranke) Stranka za Bosnu i Hercegovinu nije iskazala tačan promet po transakcijskim računima, i nije prijavila sve transakcijske račune, čime je prekršila odredbe člana 11. Pravilnika.

- Stranka u obrascu 2 (pregled prometa svih transakcijskih računa političke stranke) nije pravilno iskazala početni saldo, promet ulaza i promet izlaza po transakcijskom računu, broj: 1610000016480020 kod Raiffeisen banke, čime je prekršila odredbe člana 11. Pravilnika. Iskazala je početni saldo u iznosu od 0,00 KM, ukupan promet ulaza u iznosu od 172.986,97 KM i ukupan promet izlaza u iznosu od 172.985,09 KM. Kontrolom izvoda sa transakcijskog računa, utvrđeno je da je početni saldo iznosio 192,42 KM, ukupan promet ulaza iznosio je 171.529,55 KM, a ukupan promet izlaza 171.720,09 KM.
- Uvidom u podatke iz Izvještaja o računima pravnih lica Centralne banke BiH, utvrđeno je da stranka na obrascu 2 finansijskog izvještaja nije prijavila sljedeće transakcione račune:

<sup>6</sup> Finansiranje političkih stranaka zabranjuje se sindikatima, udruženjima i drugim neprofitnim organizacijama koje se finansiraju javnim sredstvima bez obzira na iznos sredstava.

<sup>7</sup> Projekat: Sport, kultura, edukacija-alternativa nasilju - „Službene novine Federacije BiH“, broj: 56/17 od 26.07.2017. godine.

<sup>8</sup> Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

<sup>9</sup> Politička stranka vodi evidenciju o svojim prihodima i rashodima.

<sup>10</sup> Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

<sup>11</sup> Sva lica su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

5510010001160731 kod UniCredit bank AD Banja Luka (blokiran 01.06.2017.godine), 3389002206020861 kod UniCredit bank dd (blokiran 25.05.2017. godine), 5540080001128818 kod Pavlović International banke AD (aktivan od 06.09.2017. godine), 1415455320004081 otvoren BBI DD Sarajevo (blokiran 24.05.2017. godine) i transakcioni račun, broj: 5513031129116253 otvoren kod UniCredit bank A.D. Banja Luka (blokiran 25.07.2017. godine).

- Pored prethodno navedenog, na osnovu podataka o prihodima iz budžeta koji su političkoj stranci uplaćeni tokom 2017. godine, a koje su na zahtjev Centralne izborne komisije BiH dostavili Brčko distrikt BiH i Općine Srebrenik, utvrđeno je da stranka na obrascu 2 nije iskazala transakcione račune, kao ni uplaćena sredstva iz budžeta, kako slijedi: transakcioni račun OS SBiH Srebrenik broj: 1321500310137404 kod NLB banke, na koji je uplaćeno 6.326,27 KM i transakcioni račun OS SBiH Brčko distrikt BiH broj: 3383702261348956 kod UniCredit banke, na koji je uplaćeno 4.516,14 KM<sup>12</sup>.

- (2) Pregledom godišnjeg finansijskog izvještaja je utvrđeno da podaci o prihodima i rashodima Stranke za Bosnu i Hercegovinu, iskazani u finansijskom izvještaju ne odgovaraju podacima iz poslovnih knjiga i Završnog računa stranke za period 01.01.-31.12.2017. godine.

Stranka za Bosnu i Hercegovinu je u godišnjem finansijskom izvještaju, koji je podnijela Centralnoj izbornoj komisiji BiH iskazala ukupne prihode u iznosu od 453.425,71 KM i ukupne rashode u iznosu od 495.694,34 KM, dok je u Završnom računu stranke-konsolidovanom bilansu uspjeha za period 01.01.-31.12.2017. godine, iskazala ukupne prihode u iznosu od 414.492,00 KM i ukupne rashode u iznosu od 400.311,00 KM.

- Pregledom godišnjeg finansijskog izvještaja za 2017. godinu, utvrđeno je da Stranka za Bosnu i Hercegovinu nije pravilno popunila obrasce 3 (izvori finansiranja), obrazac 3-a (prilozi fizičkih lica) i obrazac 3-e (nenovčane donacije), čime je prekršila odredbe člana 13., 14. i 18. Pravilnika.

Stranka za Bosnu i Hercegovinu iskazala je u obrascu 3-a finansijskom izvještaju priloge fizičkih lica u iznosu od 14.023,19 KM. Pregledom je utvrđeno da su novčani prilozi fizičkih lica iznosili 6.506,00 KM, a ne koliko je iskazala stranka, jer se razlika od 7.517,19 KM odnosi na nenovčane donacije koje su se u godišnjem finansijskom izvještaju trebale iskazati u obrascu 3-e (nenovčane donacije).

Prema podacima iz obrasca 3-a fizička lica: Ćurić Muhamed dao je prilog u iznosu od 308,40 KM, Mulalić Miralem u iznosu od 305,35 KM i Memić Alma u iznosu od 349,59 KM uz napomenu stranke, da su zbog privremene blokade transakcijskog računa OO SBiH Travnik, pomenuta fizička lica svojim priložima platili račune stranke za telefon i električnu energiju, čime su ove donacija dobile karakter nenovčane donacije.

Pregledom obrasca 3-a OS SBiH Centar Sarajevo, utvrđeno je da je stranka iskazala priloge fizičkih lica u iznosu od 5.090,70 KM, bez navođenja imena donatora. Služba za reviziju je putem e-maila zatražila pojašnjenje od stranke za ovu donaciju. Nakon dobijenog pojašnjenja koje smo uzeli kao dokaz od stručne službe stranke koje je dostavljeno putem e-maila od 12.02.2019. godine, utvrđeno je da navedeni iznos čini donacija od fizičkog lica Kerla Suada u iznosu od 4.026,00 KM i otpis obaveza prema dobavljačima u iznosu od 1.064,70 KM, koje su trebale biti iskazane na obrascu 3-e.

Prema podacima iz obrasca 3-a od KV SBiH Sarajevo, utvrđeno je da nije navedeno ime donatora i da se po tvrđenju stručne službe stranke iznos donacije od 5.489,15 KM kao

<sup>12</sup> Akt Brčko distrikta BiH, broj: 13.9-042-287/18-1 od 08.11.2018. godine.



dokaz, takođe odnosi na otpisane obaveze prema dobavljačima, koje su takođe trebale da budu iskazane na obrascu 3-e.

Napominjemo, da je Služba za reviziju tražila od Stranke za Bosnu i Hercegovinu specifikacije dobavljača prema kojima su navodno otpisane obaveze, ali iste nismo dobili. Time, može se zaključiti da su novčani prilozi fizičkih lica iznosili 6.506,00 KM, a ne 14.023,19 KM koliko je stranka iskazala u godišnjem finansijskom izvještaju, dok su nenovčane donacije iznosile 7.517,19 KM.

- (3) Na osnovu dokaza pribavljenih od organa izvršne vlasti iz čijih budžeta je finansirana politička stranka, utvrđene su značajne razlike u iznosima prihoda koje je prijavila stranka u obrascu 3-f (prihodi iz budžeta) godišnjeg finansijskog izvještaja i podataka o isplaćenim budžetskih sredstvima.
- Stranka za Bosnu i Hercegovinu u obrascima 3-f godišnjeg finansijskog izvještaja nije iskazala prihode iz budžeta Grada Goražda u iznosu od 744,54 KM<sup>13</sup>, Općine Srebrenik u iznosu od 6.326,27 KM<sup>14</sup>, Općine Čajniče u iznosu od 280,50 KM<sup>15</sup> i Općine Teočak u iznosu od 575,00 KM<sup>16</sup>.
  - U obrascu 3-f stranka je iskazala prihode iz budžeta Općine Maglaj u iznosu od 7.530,60 KM. Općina Maglaj je dostavila podatke<sup>17</sup> na osnovu kojih je utvrđeno da su Stranci za Bosnu i Hercegovinu u 2017. godini iz budžeta općine uplaćena sredstva u iznosu od 5.015,40 KM.
  - Na osnovu podataka koje je dostavila Općina Lukavac<sup>18</sup>, utvrđeno je da su Stranci za Bosnu i Hercegovinu u 2017. godini iz budžeta općine uplaćena sredstva u iznosu od 3.563,04 KM. Stranka je u obrascu 3-f finansijskog izvještaja iskazala prihod u iznosu od 400,00 KM.
  - Prema podacima koje je dostavila Općina Čelić<sup>19</sup>, utvrđeno je da su Stranci za Bosnu i Hercegovinu u 2017. godini iz budžeta ove općine uplaćena sredstva u iznosu od 2.554,00 KM. Stranka za Bosnu i Hercegovinu je u obrascu 3-f iskazala prihod u iznosu od 3.913,04 KM.
  - Tuzlanski kanton<sup>20</sup>, je dostavio podatke na osnovu kojih je utvrđeno je da su Stranci za Bosnu i Hercegovinu u 2017. godini iz budžeta kantona uplaćena sredstva u iznosu od 28.802,79 KM. Stranka je u obrascu 3-f finansijskog izvještaja iskazala prihod u iznosu od 35.665,83 KM.
  - Na osnovu podataka koje je dostavio Brčko distrikt BiH<sup>21</sup>, utvrđeno je da su Stranci za Bosnu i Hercegovinu u 2017. godini iz budžeta Brčko distrikta BiH uplaćena sredstva u iznosu od 4.516,14 KM. Stranka je u obrascu 3-f finansijskog izvještaja iskazala prihod u iznosu od 40.741,79 KM, što je za 36.225,65 KM od ostvarenog.<sup>22</sup>
  - Općina Tešanj<sup>23</sup>, je dostavila podatke na osnovu kojih je utvrđeno je da su Stranci za Bosnu i Hercegovinu u 2017. godini iz budžeta ove općine uplaćena sredstva u iznosu od 10.485,69

<sup>13</sup> Akt Grada Goražda, broj: 03-1-05-2-610/2018 od 07.11.2018. godine.

<sup>14</sup> Akt Općine Srebrenik, broj: 02-183/18 od 05.03.2018. godine.

<sup>15</sup> Akt Opštine Čajniče, broj: 2/18 od 26.02.2018. godine.

<sup>16</sup> Akt Općine Teočak, broj: 02-14-406/18 od 13.02.2018. godine.

<sup>17</sup> Akt Općine Maglaj, broj: 01-49-1420/18 od 08.11.2018. godine.

<sup>18</sup> Akt Općine Lukavac, broj: 04-14-38-148/18 od 06.11.2018. godine.

<sup>19</sup> Akt Općine Čelić, broj: 04-49-833/18 od 07.11.2018. godine.

<sup>20</sup> Akt Tuzlanskog kantona, broj: 07/1-14-26732/18 od 12.11.2018. godine.

<sup>21</sup> Akt Brčko distrikta BiH, broj: 13.9-042-287/18-1 od 08.11.2018. godine- Zijad Nišić zastupnik SBiH.

<sup>22</sup> Analitička kartica- konto 6502 - prihodi prinudne naplate.

<sup>23</sup> Akt Općine Tešanj, broj: 04-14-7-363/18 od 13.02.2018. godine.

KM. Stranka je u obrascu 3-f finansijskog izvještaja iskazala prihod u iznosu od 11.409,43 KM.

- (4) Stranka je kao prihode iz budžeta iskazala povrat takse za učešće na Lokalnim izborima 2016. godine u iznosu od 4.500,00 KM, čime je u godišnjem finansijskom izvještaju neosnovano uvećala prihode iz budžeta za 4.500,00 KM, što je suprotno odredbama člana 13. i člana 19. Pravilnika.
- (5) Stranka za Bosnu i Hercegovinu u finansijskom izvještaju nije iskazala nenovčane donacije po osnovu korištenja poslovnih prostora, bez naknade, koje su stranci dodijelile Općina Gradačac, Općina Srebrenica, Općina Jablanica i Udruženje žena „Ključki biseri“ iz Ključa.
- (6) Pregledom godišnjeg finansijskog izvještaja je utvrđeno da Stranka za Bosnu i Hercegovinu nije uspostavila potpune i tačne evidencije o rashodima stranke, te ih nije pravilno iskazala ni u finansijskom izvještaju, čime je prekršila odredbe člana 21., 22. i 23. Pravilnika.

Stranka za Bosnu i Hercegovinu je u godišnjem finansijskom izvještaju, koji je podnijela Centralnoj izbornoj komisiji BiH iskazala ukupne rashode u iznosu od 495.694,34 KM, dok je u Završnom računu stranke-konsolidovanom bilansu uspjeha za period 01.01.-31.12.2017. godine, iskazala ukupne rashode u iznosu od 400.311,00 KM.

- Stranka u finansijskom izvještaju nije iskazala troškove zakupa poslovnih prostora koji su joj dodijeljeni na korištenje bez naknade od strane općina Jablanica, Srebrenica i Udruženja žena „Ključki biseri“ iz Ključa.
  - Pored navedenog, pregledom je utvrđeno da Stranka za Bosnu i Hercegovinu u godišnjem finansijskom izvještaju nije iskazala troškove zakupa poslovnih prostora u ukupnom iznosu od 4.842,64 KM za sljedeće organizacione dijelove: KV SBiH Novi Travnik u iznosu od 234,00 KM, OS SBiH Donji Vakuf u iznosu od 1.200,00 KM, OO SBiH Jajce u iznosu od 648,64 KM, OO SBiH Prijedor u iznosu od 2.424,00 KM i OO SBiH Ilidža u iznosu od 336,00 KM.
  - Stranka za Bosnu i Hercegovinu u finansijskom izvještaju iskazala je troškove zakupa u iznosu većem za 1.863,47 od ostvarenog, za sljedeće organizacione dijelove: Centrala SBiH u iznosu od 825,27 KM, OO SBiH Travnik u iznosu od 418,20 KM, OS SBiH Bihać u iznosu za 150,00 KM i Vijeće SBiH Brčko distrikta BiH u iznosu za 470,00 KM.
  - Stranka u obrascu 4.1 (režijsko-administrativni i ostali troškovi) nije iskazala troškove u iznosu od 963,34 koje je ostvarila po osnovu plaćenih računa za telefon i električnu energiju od strane fizičkih lica, čime je prekršila odredbe člana 21. i 22. Pravilnika.
- (7) Pregledom i kontrolom godišnjeg finansijskog izvještaja, utvrđeno je da stranka nije uspostavila i vodila pravilne evidencije o obavezama i nije izvršila usaglašavanje obaveza na dan 31.12.2017. godine, što za rezultat ima pogrešno iskazane obaveze u poslovnim knjigama i obrascu 5 (obaveze političke stranke), čime su prekršene odredbe člana 24. Pravilnika.

Stranka za Bosnu i Hercegovinu je u finansijskom izvještaju (obracu 5 – Obaveze političke stranke), iskazala obaveze na dan 31.12.2017. godine, u iznosu od 352.740,14 KM. U Završnom računu-Bilansu stanja stranka je evidentirala obaveze u iznosu od 416.086,00 KM, što je za 63.345,86 KM manje od evidentiranih obaveza.

- Kontrolom poslovnih knjiga utvrđeno je da stranka ima dug po osnovu dugoročnog kredita i pozajmica na dan 31.12.2017. godine u iznosu od 39.112,00 KM. Stranka je na obrascu 5.1 (obaveze po kreditima i pozajmicama) finansijskog izvještaja iskazala obaveze po osnovu kredita i pozajmica u iznosu od 33.917,38 KM, odnosno manje za 5.194,62 KM.

Utvrđeno je takođe da stranka nije iskazala obaveze na obrascu 5.1 prema Aščić Jasmini, po osnovu pozajmice u iznosu od 5.695,00 KM.

- Uvidom u dokumentaciju koju su dostavile Općina Živinice utvrđeno je da stranka nije tačno iskazala svoja dugovanja po osnovu zakupa poslovnih prostora na dan 31.12.2017. godine.

Stranka je na obrascu 5 za OS SBiH Živinice iskazala ukupne obaveze u iznosu od 2.940,71 KM. Prema dostavljenoj dokumentaciji, dug stranke prema Općine Živinice po osnovu zakupa poslovnog prostora na dan 31.12.2017. godine iznosio je 3.915,56 KM<sup>24</sup>.

- Na osnovu akta Općine Donji Vakuf broj: 02-07-00616/18-1 od 29.03.2018. godine, utvrđeno je da dug stranke na dan 31.12.2017. godine prema Općini Donji Vakuf po osnovu zakupnine iznosi 1.200,00 KM. Stranka nije u godišnjem finansijskom izvještaju iskazala obaveza prema Općini Donji Vakuf.
- Uvidom u službeni evidenciju Centralne izborne komisije BiH, utvrđeno je da stranka nije u godišnjem finansijskom izvještaju za 2017. godinu iskazala obaveze iz ranijeg perioda po osnovu neplaćenih kazni koje su izrečene od strane Centralne izborne komisije BiH. Na osnovu odluke, broj: 03-07-6-839/16 od 08.12.2016. godine stranka je bila kažnjena sa 4.700,00 KM. Po ovoj odluci stranka je ostala u obavezi da plati još 845,50 KM. Uvidom u odluku broj: 03-07-6-331/17 od 06.12.2017. godine stranka je kažnjena sa 1.000,00 KM koju nije izmirila, tako da ukupne preostale obaveze stranke po osnovu kršenja odredaba Zakona o finansiranju političkih stranaka iznose 1.845,50 KM.

- (8) Dana 04.09.2018. godine, Centralna izborna komisija BiH je stranci uputila Zahtjev za dostavljanje dodatne dokumentacije za 2017. godinu, broj: 03-07-6-363-4/18 od 04.09.2018. godine, kojim je od stranke zatraženo da dostavi: bruto bilans na dan 31.12.2017. godine, glavnu knjigu sa kompletnim analitičkim evidencijama stranke za period 01.01.-31.12.2017. godine, dnevnik blagajne Centrale SBiH, dokumentaciju o korišćenju poslovnih prostora u 2017. godini, kopije izdatih potvrda o primljenim priložima od strane fizičkih za OS SBiH Tešanj, KV SBiH Mostar, KV SBiH Goražde i OO SBiH Travnik, ugovore o pozajmicama, program utroška sredstava za 2017. godinu, kopiju izvoda sa transakcijskih računa stranke, broj: 1610000016480020 i 1610000016480505 kod „Raiffeisen bank“ d.d i izvode otvorenih stavki na dan 31.12.2017. godine za sljedeće dobavljače: Natron d.d, Media graf d.o.o., Grifon d.o.o., Selimpex d.o.o, grad Zenica, Općina Travnik, Općina Kakanj i Općina Živinice.

Dana 04.3.2019. godine, Služba za reviziju Centralne izborne komisije BiH je putem e-maila tražila od Stranke za BiH da dostavi odluke o otpisu obaveza, račune ili specifikaciju dobavljača za OS SBiH Centar i KV SBiH Sarajevo prema kojima su otpisane obaveze, ali ih stranka nije dostavila.

S obzirom da stranka nije postupila u skladu sa zahtjevom Centralne izborne komisije BiH, odnosno nije dostavila sve izvode otvorenih stavki za 2017. godinu, program utroška sredstava za 2017. godinu i traženu dokumentaciju koja se odnosi na otpis obaveza prema dobavljačima, prekršila je odredbe člana 12. stav (5) Zakona o finansiranju političkih stranaka.

## 5.2. PREPORUKE

***Preporučuje se Stranci za Bosnu i Hercegovinu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da finansijska sredstva obezbijedena za finansiranje stranke koristi isključivo za ostvarivanje ciljeva utvrđenih statutom i programom utroška sredstava,***

<sup>24</sup> Akt Općine Živinice, broj: 01/2-05-89-889/18 od 09.04.2018. godine.

- *da vodi evidenciju o primljenim priložima i izdaje potvrde o primljenim priložima,*
- *da u skladu sa članom 6. stav (2) Zakona, dobrovoljne priloge u novcu uplaćuje na transakcijski račun centrale političke stranke,*
- *da se ne finansira iz zabranjenih izvora,*
- *da poslovne knjige vodi u skladu sa računovodstvenim propisima,*
- *da vodi potpune evidencije o prihodima, rashodima i obavezama stranke,*
- *da finansijske izvještaje koje podnosi Centralnoj izbornoj komisiji BiH dostavlja u zakonom propisanom roku i popunjava u skladu sa Pravilnikom o godišnjim finansijskim izvještajima političkih stranaka i*
- *da na zahtjev Centralne izborne komisije BiH dostavlja dodatnu finansijsku dokumentaciju.*

**KOMENTAR:**

U ostavljenom roku, Stranka za Bosnu i Hercegovinu dostavila je primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu. Stranka za Bosnu i Hercegovinu je dostavila dokaze uz obrazloženje o primljenim budžetskim sredstvima iz Zeničko-dobojskog kantona, Bosansko-podrinjskog kantona i iz budžeta Općine Konjic, čime je djelimično otkolonila utvrđene nedostatke u finansijskom izvještaju.

Služba za reviziju je uvažila argumentovane primjedbe stranke, pa je u skladu sa istima korigovala nalaze revizije iz Preliminarnog izvještaja o pregledu.

Revizor

Nevenko Andan

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić